

[www.BibleForChildren.org](http://www.BibleForChildren.org)

# Matius 26



Ti ntamam naut  
tna Korat ro  
Paskah. Tna Yesus  
yamo't Betania, remo  
ro Lazarus. Lazarus tait raa  
ro tiwya yhai tna Yesus yno  
yrok yasen. Tna Maria moo  
minyak wangi ro mabyoh  
maut. Kusia reto liter  
hariyah bo. Moo minyak wangi reto  
mtu mam Yesus yaa. Tna ngkaru  
mkah mana mawyan rau. Minyak reto sawer  
fiyau mam amah mato reto beta.



Tna Yudas Iskariot yasen yamo yo k'imam manes ro Yahudi. Yudas tait, kuber ro Yesus wAit mabo 12 weto sait ye. Yamo saso iso ro kbe ait ysan Yesus k'ana. Yudas yama yo k'ana to, ana weto nksoh toni. Tna ana mawe k'Yudas mawe kbe maren pitis k'ait. Tibyo ait yasen yamo. Tna ywof ati ro moof re kbe besruf Yesus.



Feto tibyo kuber wAit masen  
mamo mno bo ro Yesus yawe reto.  
Tna ana siwyan bo sohmaam mkah  
makyõ bokyõ ro Paskah reto.  
Ana sohmaam bo nkri-kri fo, Yesus  
yoo roti sau. Yoo tna skabuk yayoh  
asik mase k'Allah. Tna Ait haber  
roti reto yee k'ana beta mait.  
Tna yawe, "Nmat roti refo.  
Tetsu aJõ oh  
mefo. Noo niit  
oh."




Tna Ait yoo hawereh sau. Yoo tna  
skabuk yayoh asik mase k'Allah.  
Tna yee k'ana beta mata. Tna yawe,  
"Noo nta anggur maya refo.  
Anggur maya refo to, mees aJõ ro  
kbe miyi mkah riof k'anu. Kbe raa  
mame Jõ tna Allah ysair bosì ro tna  
k'anu oh meto. Tibyo Allah yyon iro  
ro raa mno to."




Tna Yesus yawe k'Petrus yawe, "Simon, nari oh:  
Kabes yabi (Iblis) yayoh k'Allah, yawe bitsre ait  
yama sanet anu beta. Yawe yno anu smot Jõ fee.  
Yawe yno anu sikba Jõ nmo nhau hayah; mfi bo raa  
sait ja yoo gandum rait ysok makan rau tna yse  
hayah. Tna marak rau ait yitsre akus.

└ Tna Allah ybis. ┘  
Menohe Jõ skabuk  
nyõ oh, afo re  
bosmot anyõ matak  
sai. Tna nyõ nhah  
nama no k'Jõ."



"Nashana to, tna tawe niso h nno nao na to, bosmot wana matak ye." Petrus yawe, "Tuhan; jõ kbe twok bui mato tna tajat su tsya Nyõ ye!" Tna Yesus yawe, "Petrus, nari: Kbe nyõ nno feto fee. Jõ thar tawe kbe kook mara fefares mam mti refo to, kbe nyõ nwaar Jõ muhrin tuuf, nawe nyõ nwase Jõ."



Yesus ysa kuber wAit masen mamot yuk sau ro masom Getsemani. Tna Yesus yawe k'ana yawe, "Hre ste Jõ wea wefo tna Jõ tamo skabuk wia." Ait yawe, "Abba, Taja: Jõ thar tawe Nyõ ntai natak nno bombra beta. Feto Jõ ksoh Nyõ tubat bo ro samyoh tna nno wa re kbe bo weto mai k'Jõ ma. Menohe Jõ ksoh tno bo ro Nyõ nawe sai."





Yudas yerif iso ro mamot armato reto k'raa sbe ro Roma. Tna riwai imam manes ro agama Yahudi msya raa ro Farisi, mbis aban mana wana mesait baro mama ye. Feto to Yudas yakah raa mawat yama mbam Yerusalem: Raa sbe ro Roma majin sau, msya aban mana ro agama Yahudi baro mama ye.



Ana mama nkro Yudas to, mbo lentera, tafoh, msya  
masom sbe wana to ye. Tna kuber ro Yesus sait yasen  
ysot raa sait yimara ati ro yatem ati to hri. Raa  
retait tait sryan ro imam yase rait.  
Menohe Yesus yawe kuber  
wAit yawe, "Mnan oh!" Tna Yesus  
ybo sryan retait yimara tna  
yisoh mrok moof u mfi tinyi.




Ana mfot Yesus tna makah mamot samu sau. Samu reto imam agama Yahudi ro yase rait to. Tna Petrus ybo rof-rof ana mtis.

Snok mam bohra ro samu reto tna raa mko tafoh susai. Tna Petrus ysya raa baro hre su.



Sryan imam ro yase sait  
yros mam weto ye. Ait  
retait raa mana sau  
ysya sryan ro riwai  
Petrus ysot yimara  
retait. Tna yawe k'Petrus  
yawe, "Jõ thar Nyõ. Nyõ oh  
mi riwai nsya Ait nmo su mam  
armato!" Tna Petrus ywaar  
yawe, "Mfe!" Yawe fetu si fo  
kook sau mara. Tna fo Petrus  
yasen frok yamo tna yawia sut-sut.





Raa manes ro ja mtu safo raa ro  
Yahudi weto, beta masen mros.  
Tna mbo Yesus mammo mo k'Pilatus.  
Tibyö Pilatus ytu bo k'Yesus yawe,  
"Nyõ fi Raja ro nbo raa  
ro Yahudi fe mfe a?"  
Yesus yawe, "Ae;  
bokyas anyõ reto mabo  
oh." Menohe Pilatus yawe  
bitsre Yesus. Tibyo yawe

k'raa weto u yawe ait ksoh  
rait to, bitsre Yesus yamo bait.

Menohe raa weto mtu fari  
mawe, "Mfe, name Ait yajat  
mam ara warok!"




Tna Pilatus ysan Yesus k'ana re raa  
mame. Tna raa sbe ro Roma weto  
makah Yesus mamo. Ana moo ara  
warok mse k'Yesus yasom. Tna  
mamo't yuk ro masom Hamana. (Mai  
ro Ibrani to raa mawe 'Golgota'.)



Mam beto raa mse Ait mam ara  
warok reto. Raa roto mabo ewok raa  
mame su msya Ait ye. Sait mam ti  
yatem ati, tna sait mam  
ti yatem ta,  
tna Yesus  
raa mse mam  
masuf.



Ayõ mo fee. Tna horden ro nkro mam Samu ro Allah  
reto mesait mhah ftah ewok. Tna Yesus ytu fari  
yawwe, "Taja, Jõ tsan tafos aJõ k'Nyõ sai!"  
Yawwe fetto tna yhai.





Hreha ayõ ro jiit bo feto tna Yusuf yamo yo k'Pilatus. Yusuf tait raa ro Arimatea. Ait yamo raa manes ro ytu safo raa ro Yahudi sait. Ait raa ro waa Allah. Tna ait ja ste oon ro Allah yamo Raja ybo raa mana rAit.

Yusuf yamo yo k'Pilatus mam ayõ ro Jumat. (Feto to raa ro Yahudi siwyan bo wana ti sau wia mkah kbe ayõ ro raa tmoh to.)



Kene wo ayō mbtek to, Yusuf yamo  
fooh yo k'Pilatus. Ait waa fee.

Yayoh yawe Pilatus ybis ait  
yesait yoo ajat ro Yesus  
tna sama. Yusuf yasen  
yamo yoo hawee ro  
fyan-fyan sne moof  
sau. Tna yamo  
smyoh ajat ro  
Yesus

mbam ara  
warok. Ait yoo  
hawee reto sro  
ajat rAit wa yakah  
yamo yse mam isra  
rait. Isra reto tiwya  
raa mabah mam atu  
mtkah. Ajat ro Yesus  
raa moo mse mam isra  
mato tna bririk fraa  
maboh sau mburut  
isra mato wa.



Ti ro jumaat raa agama Yahudi  
siwyan bo mkah ayõ ro ana tmoh  
to. Tna rabu ti fo, imam  
manes ro agama Yahudi  
msya raa ro Farisi mamom  
mo k'Pilatus mawe,  
"Bi yabi, Yesus  
retait raa ro ja  
siroyõ."



Amu nnaut nwe tiwya wore Ait yhau  
fares to, yawe Ait yhai tna ti ro  
tuuf to, kbe Ait ye yrok  
yasen. Tna ana masen  
mamo't isra reto. Tna  
ana mse meterai ro  
Roma mam isra reto  
masa wa ye. Tna  
raa sbe weto hre  
kmot



isra reto  
masa wa.



Ayõ ro raa ntmoh (hari Sabat)  
mkak. Tna minggu rabu momo  
Maria Magdalena msya  
Maria roto sau, mamom  
mmat isra ro raa moo  
ajat ro Yesus mse fo.  
Malaikat ro Tuhan  
sau mbam ayoh  
mroh mama tna

bririk fraa  
ro raa burut wa  
isra mato reto.



Tibyõ iin ro msai frok mama sin.  
Malaikat reto maut hre mam  
frea reto abyõ. Tna raa sbe  
ro kmot isra reto to, waa  
tibyo tetet mhai. Tna  
smut mfi raa  
ro mhai.



Tna malaikat reto mawe k'fnya weto  
mawe, "Waa ma. Jõ thar anu nma  
saso Yesus ro taa raa mame  
yajat mam ara warok. Ait  
yhau mam wefo fee.  
Riwai Allah yno Ait  
yrok yasen oh, mfi  
tiwya Yesus yawe  
wia to. Nma nmat  
yuk ro



taa raa moo Ait  
mse bris to  
yarak meu."




Ana frok mbam isra reto mkah waa.  
Tna ana simaut mase ye mamu. Ana  
mhoh fooh mamu mawe mabah bo  
reto kuber wAit ye. Menohe  
Yesus yrok brah nenat k'fnya  
weto tna yawe, "Meen oh  
k'anu." Tibyo ana mamu kait  
mo k'Yesus tna maka  
mabum

mbo Ait yaa tna mbaut Ait.







Ti baro firwas tna kuber ro Yesus wAit mabo 11 hre mait bo nkri-kri. Tna Yesus frok tubor. Ait bhah ana yawe, "Fyi re bosmot wanu matak fefares to? Raa mmat Jõ tna mama mkyas k'anu oh, menohe anu nri fee. Anu nna mase sai ntu sioh k'ana to." Yesus ykyas bo k'ana mkak, tna Allah tubat Ait yaut yamo't sawro rAit. Tna Ait hre su ysya bi Allah mam ati ro yatem ati; hroh ro mase reto.



Allah yatmof raa ro tabam refo  
toni. Tibyo yasen ysan Ku rAit sait  
tomu yama't tabam refo. Yno  
afo re awya sai ro smot tna  
msam wai k'Ait kbe mhau  
hame wajin. Kbe  
yhai fee.



### Roma 3:23

Raa beta to mno iro. Menohe Allah tait Raa ro yase. Ait yno bo ro moof toni. Bo moof beta ro anu raa bno to moof mnan Ait fee. Mabut fares sai.

### Roma 6:23

Soh raa mno iro to, Allah yawe boren ro yaren ana weto to: Ana mhai tibyo. Menohe Allah yatmof anu: Ait yuumto roon ro hame k'raa ro smot Kristus Yesus, Tuhan ranu.

### Ibrani 9:27

Anu raa ro bhau mam tabam refo to, ja bhai mun sau aran sai. Bhai tna kbe meen Tuhan yoo safo mana ymit k'anu.



## Efesus 2:8,9

Jõ tawe u tawe, anu smot Kristus tibyo Allah yatmof anu yoo riof yee k'anu. Bo weto to, anu nesait nno fee. Bo weto to, tiwya Allah yuumto k'anu sai.

Anu raa besait bkah bo re bisoh biranya bsya Allah meto fee. Ait yatmof raa sai. Ait yesait yno feto re kbe raa safuk ana fee.

## Roma 10:9,10

Au oh mi awya sai ro hrenaut fee, menohe ykyas abyõ k'raa yawe, "Yesus tait yamo Tuhan ro ybo jõ." Tna soh ait yhar mam yhaf mato yawe, Yesus yajat tna Allah yno Ait yrok yasen; kbe meen ait retait ykai riof. Jõ tkyas u tawe soh raa sait ksoh yawe Allah ymat ait yfi raa ro mhaf moof to, kbe ait yno bo bawya? Soh ait smot Yesus mam yhaf mato rait to, kbe Allah yawe ait yfi raa ro mhaf moof. Tna soh ykyas abyõ yawe, "Yesus yamo Tuhan ro ybo jõ." ykyas mam wore raa mros mmat to, kbe meen ait ykai riof.



## Yohanes 3:16,17

Allah yatmof raa ro tabam refo toni. Tibyo yasen ysan Ku rAit sait tomu yama't tabam refo. Yno afo re awya sai ro smot tna msam wai k'Ait kbe mhau hame wajin. Kbe yhai fee. Allah ybis Ku rAit yroh yama re yoo safo mana ymit k'raa ro tabam refo fee. Menohe Ku rAit yama afo re yno riof k'raa.

## 1 Yohanes 5:11-13

Bokyas ro ati oh mefo: Allah ysan roon ro hame k'anu oh. Tna Ku rAit oh mi yama yno re anu bhau hame to. Feto to awya ro smot Ku rAit to, kbe ait retait ykai roon reto. Tna awya ro hawe smot Ku rAit to, kbe yhau hame fee. Jõ tkom bo wefo beta tiim k'anu ro smot Ku ro Allah rAit afo re anu nhar nwe meen anu nhau hame wajin.



Matius 26-28; Lukas 22-24; Yohanes 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Mai Brat NT (ayz) © 2005 Wycliffe Bible  
Translators, Inc. in cooperation with  
Yayasan Sumber Sejahtera, 2005

<https://www.bible.com/en-GB/bible/2398/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

